



শিরীষ গাছের তিরিশ টাকা দাম

প্রকাশক : দেবকুমার বসু, ৯/৩ টেমার লেন, কলিকাতা-৭০০০০৯

মুদ্রক : হরিপদ পাত্র, সত্যনারায়ণ প্রেস, ১ রমাপ্রসাদ রায় লেন, কলিঃ-৬

প্রথম প্রকাশ : ২১ সেপ্টেম্বর ১৯৫৭

প্রচ্ছদ শিল্পী : অমরেশ বিশ্বাস

গণশিৰ্ষী অঙ্কিত পাণ্ডেকে

শহর কলকাতা থেকে অনেক দূরে টিলা অরণ্য ঝর্ণা ও আদিম মানুষের মাঝখানে বসে গিলে কবিতা লিখছেন নন্দদুলাল আচার্য। শব্দ, পরিশীলিত আবেগকে তিনি শব্দে বাঁধেন, গীতিময়তা সপ্রাণ হয়ে ওঠে তাঁর অন্তর্ভবের প্রকাশে। বেপরোয়া ভাঙুচুর নয়, নিভৃত অথচ অন্দপম নির্মিতিই তাঁর অশ্বিষ্ট। তাঁর কবিতার লক্ষ্য শব্দ প্রতিমা গড়া নয়, প্রতিমার চোখ আঁকা। মানুষ ও প্রকৃতির বিরুদ্ধে তাঁর ঠোঁট ও কলম যদি কোনোদিন বেঁকে না যায়, তবে তাঁর একাগ্রতা সিঁধি পাবে-ই। বিশ্বাস করতে চাই, সেদিন বোধ দূরে নয়।

অমিতাভ দাশগুপ্ত

শিল্পীৰ গাছেৰ তিৰিশ টাকা দাম

হে আমার অনাবিল নিশ্চিন্দিপদুরের মাঠ ৯
 যখন আমার সারা গায়ে ১০
 আমাকে রবে না মনে ১১
 জল ১২
 কেন ডাকো ১৩
 কোথায় যে যাও ১৪
 আমি খাই কালের ছোবল ১৫
 শিরীষ গাছের ১৬
 তুমি যেমন ১৭
 মেঘের বাগানে ১৮
 নাদিল পোকার মতো ১৯
 ছড়া ২০
 ভব্দ যায় ২১
 বন্ধের ভেতর ২২
 আমার বাসনা ২৩
 স্থিতধী প্রজ্ঞায় শান্ত হে শিমূল ২৪
 লোকগীতি ২৫
 ভিক্টোরিয়ায় নীলাঞ্জনা ২৬
 তলবেগর কুপি আর ঘুট্‌ঘুইটা আঁধার ২৭
 রূপমোহনার বোটে ২৮
 হাত রাখো ২৯
 নিবিড় শ্যামাঙ্গী পাখী ৩০
 স্বাতী তুমি কার ৩১
 নিবিড় হয়ে হাটলে ৩২
 এভাবে কি মানে হয় ৩৩
 লেনিন ৩৪
 বিনষ্ট আয়নায় ৩৫
 যত তোকে যেতে বলি ৩৬
 সূর্যসংক্রান্তির ভোরে [কাব্যনাট্য] ৩৭—৪০

সূচীপত্র

হে আমার অনাবিল নিশ্চিন্দপুরের মাঠ

হে আমার অনাবিল নিশ্চিন্দপুরের মাঠ

মুগ্ধমতি বালকের নদী

বয়সপারানী তোরা কতদূরে হেঁটে গিয়েছিল

মহাশেখ উত্তর মেরুর শীত ক্রমশ ঘনিষ্ঠ হয়

বৈতরণী শব্দ তোলে ত্রিকাল প্রহরে

এ সময় তোর কেন আনাগোনা বেত্রবতী

বুক জুড়ে হারানো শৈশব

চৈত্র কি সঙ্গেই ফেরে আমার বাগান

উল্খড় যেন কার নরম চরণ ছুঁতে চায়

সমস্ত অস্তিত্ব জুড়ে খেলাঘর খেলা করে

নিবিড় বালিকা

মায়ের আঁচল কেন ডাক দেয়

বৃকের ভেতর ?

যখন আমার সারা গায়ে

যখন আমার সারা গায়ে হারিয়ে যাবার দৃংখুঃ ঝরে,
বনতুলসী গন্ধ মেখে কি করে তুই মন্ঠেয় এলি ?

এখন আমি বাড়ী ফিরছি 'আজল কাজল' রাত্রিবেলা
স্মৃতি থেকে জোছনা হয়ে কি করে তুই জেগে উঠলি ?

কেয়াপাতার নৌকোখানি কোন অনন্তে ভাসিয়েছিলাম —
বন্ধের ভেতর ফেরার শব্দ খুঁদে নদী হে দামোদর ।

হেসেল ঘরে মা কি আমার হেরিকেনের কম্প্র আলোয়,
ভাত সাজিয়ে বসে আছেন বাছা কখন ফিরবে বলে ?

এখন আমি বাড়ী ফিরছি 'আজল কাজল' রাত্রিবেলা
স্মৃতি থেকে জোছনা হয়ে কি করে তুই জেগে উঠলি ?

আমাকে রবে না মনে

এই মেয়ে

এমন উদল গায়ে কোথা যাস্

কোন্ দিকে নদী

চোখের মণিতে তোর মাতাল অরণ্য জেগে আছে

খোঁপায় পলাশ

অন্যমনে হেঁটে যাস্

মহদুয়ার বনপথ বেয়ে

তুই মেয়ে—

নাকি কোনো চলমান নদী ?

ধর্ যদি

আমার স্নানের ইচ্ছা জাগে

ইচ্ছে জাগে তোর ঐ ফুলমতী নদীর কিনারে

চিল হয়ে জল ছুঁতে

জলের গভীর থেকে মাছ

সে দিন মছেব গেল

গোল হয়ে—মরি তোর নাচ

দেখেছি মেঝেনকন্যা, অনন্য ভুবনে

আমি যদি চলে যাই

আমাকে রবে না তোর মনে ?

জল

জলই লাভণ্য দেয় ।
জলই শরীরে গড়ে অলৌকিক
রমণীয় কারু
জলের নিখুঁত শিল্পে ছুটে আসে
ভবনের প্রেমিক সত্যিয়ারু ।

অতঃপর সময়ের কষ বেয়ে
জল ঝরে গেলে
যত প্রিয় সুখ করে যায়
উড়ে যায় বৃকের প্রশাখা থেকে
প্রিয় শব্দ সারী

শব্দধরু :
মুখের আদলে জমে বিষণ্ণতা,—ধরু ধরু
বালিয়াড়ি ।

কেন ডাকো

দু হাত বাড়িয়ে ও কে আলিঙ্গন চায়
যার বন্ধ ছেয়ে গেছে বর্শামুখী মন্দিরা কাঁটায়
আঙ্গুলে উলঙ্গ লোভ । তার থেকে দূরে যাবো গ্রামে
জঙ্গল নগর তবু কেন ডাকো এই মধ্য যামে ।

কোথায় যে যাও

কোথায় যে যাও বাবলা কাঁটার ঝোপ পেরিয়ে
খাঁ খাঁ দ্দুপদ্ম প্রেতের মতন গাছ-গাছালি
হলুদ লতায় জড়িয়ে থাকা পদ্মলিয়ার
কোন গায়ে হে, সন্দুড়ি না আসন বদনি ?

কেন যে যাও গা ছম্ ছম্ অশ্বকারে
জীর্ণ ঝুঁরা ঐ মেয়েটির ঘরের কাছে
মুখার মাথায় কান্না হয়ে জড়িয়ে আছে
খরায় মরা হতভাগীর দৃষ্ণের বাছা ।

যেও না হে, ফেরার পথে সঙ্গী হবে
নগর রাতের অ্যাসফটে দাঁড়াতে চায়
ঐ মেয়েটি ; গ্রামের ছাতায় লোক আঁটে না
খরার রৌদ্র ক্ষুধার দাহে মানু্শ মরে ।

আমি খাই কালের ছোবল

সাপ না রে বিষ না, হায়
দণ্ডী মারে ঘা
ডানযোগিনী অন্ধকারে
দিস না খালে পা

অলিতে গলিতে জাগেন
কাল নাগের ছা
রাতবেরাতে কুথাকে ঘাস
হরিমতীর মা ?

ছঃ, কালী মন্তর বালী
রাজা খায় লং সুপারী
আমি খাই কালের ছোবল
বাছা খাবি কি ?

বাছার হাতে কাস্তে
বাছা চায় বাঁচতে
ছঃ মন্তর বেনের পো
মন্তর ফুকো আস্তে

শিরীষ গাছের

“গাছ লিবি হে গাছ
লাইন পারের খুপুরী ঘরে
 যদয়ান ছুঁড়ির লাচ”
—ফেরিওয়ালী একটি বড়াড়
 চাড়িয়ে স্বরগ্রাম,
 হেঁকে যাচ্ছে
“শিরীষ গাছের তিরিশ টাকা দাম ।”

তুমিও যেমন

তুমিও যেমন পলাশ চাইলে
ফাগুনের সখী যিনি
বল তো তানিয়া কোন্ প্লাটিনামে
কিশক ফুল কিনি ?

তার চেয়ে যদি চাও কিছু অঘাণে
গাঁদা দিতে পারি খোঁপায় তোমার
নিভৃত তরুণ বনে ।

মেঘের বাগানে

মেঘের বাগানে কখন যে মৃগশিরা
স্তম্ভ নিশীথে এসেছিলো একা একা
জানি না কি করে খোঁজ পেয়ে কৃন্তকা
 স্বকৃটি শাসনে তার
খান্ খান্ করে ভেঙ্গে দিয়েছিলো
সতীনের অভিসার...।

নাদিল্ পোকার মতো

নাদিল্ পোকার মতো কি যেন মশিত্‌কমল
ঘোরাঘুরি করে
আমার ভেতরে কোন সনাতন শিশু
বলেছিলো,—“চল,”
কোথায় সে যেতে বলেছিলো
একটি মূখের ডোল
প্রায়শই মূচড়ে দেয় বৃকের ভেতর। কেন ?
কেন বারান্দা চৌকাঠ জান্‌লা থরোথর
কাঁপে কারো কষ্টের গীটারে
প্রতিশ্রুতি দিয়ে কেন সে ছেলোট
গেলো না বাগানে
প্রভীক্ষায় বালিকাটি এখনো কি
প্রদীপ সাজায় ?
“যে যায় সে যায়”,—তবু
বিগত জন্মের স্মৃতি কেন আসে ফিরে
নাদিল্ পোকার মতো এই সব……এই সব……
বিজন প্রহরে..

ডান-ঘোঁগনীর অশ্ধকার
মাঝ রাস্তার তে
বাগদুইহাটির মোড়ে একা
দাঁড়িয়ে আছো কে ?

নেই বেনের ঝি রে আমি
নেই বেনের ঝি
পণ্য হাতে ফিরি করতে
দাঁড়িয়ে রয়েছি ।
বাপ গিয়েছে বৈতরণী
মা মরেছে জ্বরে,
রাতকটুমে সোনা কেনে
তিনকড়ির দরে ।
তিনকড়ির দাহে হায়
আঙার হল গা,
গুণবতী ভাই আমার
মুখ দেখিস না ।

ভবু যায়

সে কেন গ্রামের পথে যেতে গেল,—যায়
আকর্ষী'র মতো কিছু ক্রমশ রক্তকে টানে

উদ্যম রাস্তায়

সে কেন অরণ্য নদী তাবৎ শস্যের ক্ষেত
চিনে নিতে চায়

জানি না কেন সে যায়

কৃষাণের মজুতের ঘর

খরার বৎসর

কি রকম দঃখে কাটে শামুক ও শূশূনি পাতায়

তার কি কেঁদেছে দায়

এইসব জেনে নিতে ইত্যাদি খবর

আত'প্বর—

শূনে তবু এইসব বালকেরা যায়

আকর্ষী'র মতো কিছু ক্রমশ রক্তকে টানে

উদ্যম রাস্তায়... ।

বুকের ভেতর

বুকের ভেতর সাবেক কালের পুরোণো ঘর
পায়রা-ওড়া প্রাচীন নুপুৰ বুকের ভেতর
বুকের ভেতর একটি বালক নামতা পড়ে
আদুল গায়ে সাঁতার কাটে পানপুকুৰে

চাউস ঘুড়ি লাটাই নুপুৰ রাগু নীতা
জল ডাঙানি ছাপান কড়ি খেলতে আসে
অথচ সেই হোঁরকেনেৰ কম্প আলোক
মায়েৰ আঁচল চাল ভেজা হাত কবেই নিলাম

কেউ কি আমায় ফিঁরিয়ে দেবে ভালোবেসে
আমেৰ বউল ঢাকের বাদ্য গাজন পরব
বয়স নদী নক্সা কাঁথা হারমোনিয়াম
প্রাচীন ম্বাণেৰ বসভবাটি, খেজুৰপাতা

আমার বাসনা

এই বেশ ভালো মদুখামদুখি বসে থাকি
জলরেখা কেন তোমার কপোল জুড়ে
হে বালিকা এই বিজন নদীর পাড়ে
আমার গোপন স্নায়ুকে কেন যে টানো

তুমি জানো এই নিশীথের কালো জলে
আমার বাসনা একটি সজল বদুক
তুমি একে একে অঙ্গের বাস খলে
সমত লাজে আঙ্গলে লুকাও মদুখ

আমি কেঁপে উঠি হয়তো বা মরে যাবো
সংবৃত্ত করো নয়নে মরণ মৃগ
হে বালিকা জানি অন্তর্ভাবে তোর বিষ
মীনকেতনের ফুলশর কেন হানো

তুমি জানো এই নিশীথের কালো জলে
আমার বাসনা একটি সজল বদুক

স্থিতধী প্রজ্ঞায় শান্ত হে শিমূল

স্থিতধী প্রজ্ঞায় শান্ত হে শিমূল হে সূঠাম দ্রুম—
আমাকে প্রছায়া দিও দশ দিনে খর দীপ্র দাহে ;
তোমার নির্মোহ মূলে শূয়ে থেকে পড়ালী ছায়ায়
আমি আর মহাশ্বেতা কথা কব ঈশ্বরী বিলাসে
অস্তিকে চন্দনবন ঘ্রাণে তার যদি মারা যাই
আমাকে ডেকো না তুলে হে ঋজু শিমূলে—
কেননা তুমি তো জানো ইতিমধ্যে আমি মরে গেছি
ইচ্ছায় দোপাটিগদালি ঝরে গেলে মিবতীয় ইচ্ছায় ।

আউলা-ঝাউলা বাতাসে

আউলা-ঝাউলা বাতাসে দুলালো গা
মেদুর স্মৃতির বদকে রেখে দাঁটি পা
ক্রমশ এগুতে ভর্তুড়ে রাত্রি নামে
তুমি হেসে ওঠো কাক-জোছনার

দুরন্ত এ্যালবামে

লোকগীতি

দুপহরে আমানি দিলি
বিহান খিকে ভুখে
আমার হাড়ে দখ্বা গজায়
তুরা থাকিস স্নখে

কাড়ার পারা গতর গেল
তুদের মদনিস খাইটে
আমানি রাখ্ আমানি রাখ্
গড় করি তুর পাইটে

ছটা নুন্যার কিরা গলদন
বদ্বোছি তুর চাইল
আমার হাতেই টামনা ষ্ণাল
আমার হাতেই হাল

জারিজুরি হদরতে রাখ
আন্ গো ভাতের থাল
ভুখা পেটে লয়কো গলদন
বদ্বিল হইছে কাল্ ।

ভিক্টোরিয়ান নীলাঞ্জনা

স্তন খলে দিলে কোন পুরুষের হাতের মৃগের
ভিক্টোরিয়ান, নীলাঞ্জনা ;
তোমার আকাশে কুলিশ উধাও ।
তোমার মৃদল ঘাসের গোপনে,
ধস্ত স্নায়ু কি ঘর্মিয়ে পড়েছে ?
ক্ষুধিতা জননী অভিশাপ দাও ।

তেলবেগর কুপি আর ঘুট্‌ঘুইটা আঁধার

আহা বড় সন্দর বললি বাপ,
উত্‌লার জলের লাই সুখ আমার
সারা শরীলে ব'ইতে লাইগ্‌লেক ।
খেলাই চ'ডীর কিরা বেবু,
দেবতা ত' আমাদের তুরাই...লেতা ।
বল্‌লি, 'খাট্‌ খাট্‌ সব ঠিক হ'ইয়ে যাবেক ।'
বাস্‌কি ভাত কাশ্‌থা আড়া খ'ইয়ে
খাট্‌ছি ত বাপ্‌ বাহান্ন প'রুয
লিয্যাস হৈছেও সব ঠিক ;
মারাং মারাং ওড়াক, দালান, গাড়ী, সেলেমা...
বাপ্‌ হে আমাদের জ'মি জিরাত, খারাই
কাদের নামে জ'রিপ হৈ'লো ?
আমাদের সেই খুপ'রি কে সেই.....

বেবু, টেম্ তু অনেক বিতাইল ।

কোয়লা ডিপুতে মারাং গাড়ীর পেট ভরাইলম্
ডেড় কুড়ি বোচ্ছর

লিশায় চুর হ'য়ে পুরুষ বেটাছিল। গুলানের
বুক ছিঁদা...

উরা লিশা করে কেনে বেবু ?

কোয়লা খাদের গাড়ায় মরদ শাইয়ে

আর ঘরে ফিরল নাই ।

কেনে ?

ছুটানুনার কিরা বেবু,

দেবতা তু আমাদের তুরাই...লেতা

বললি,—“রাইতকে দিন বেনাব ।”

লিষ্যাস হৈছেও সব ঠিক ;

টিরেন, ওড়াকল, বিজলীবাতি...

বাপ্ হে কাদের লোগে ?

টেম্ তু অনেক বিতাইল বেবু

কাদের লোগে ?

আমাদের ঘরে সেই কে সেই

তেলবেগর কুপি আর ঘুট্‌ঘুইটা আঁধার ।

আহা, বড় সূঁদর বললি বাপ্,

উত্‌লার জলের লাই সখ আমার

সারা শরীলে ব'ইতে লাইগ্‌লেক ।

রূপমোহনার বোটে

যখন তোমাকে নিয়ে ভাবি কোন
ছান্নাঘেরা বাড়ি
তোমার রাতুল পায়ে নদী জেগে ওঠে
আমার স্বপ্নের যত নীল নুড়ি ভেঙ্গে দিয়ে
খল খল হাসো
কি করে যে লোকে বলে তুমি ভালবাসো
এতো যে কঠিন
হবে নাকি দেখা কোনদিন
রূপমোহনার সেই নিরিবিবিল বোটে ?

হাত রাখো

তোমাকে যে স্বপ্নাজলি দেবো কথা ছিল
নিবিড় এ অঙ্গীকার ভেঙ্গে দেয় দক্ষিণ সড়ক
তাই বৃষ্টি সমতলে করতল ধৃত আমলকী
বিশ্লেষকরণী আনো, হাত রাখো ললাটে আমার

নিবিড় শ্যামাজী পাখী

নিবিড় শ্যামাজী পাখী রক্তের প্রশাখা থেকে
ডাক দেয়— “আয়—
নিশীথ গৃহ্যার থেকে তোকে নিয়ে উড়ে যাবো
ভোরের ঝর্ণায়……”

স্বাতী তুমি কার

পালকের মতো আহা নরম ফেরারী মেয়ে

স্বাতী তুমি কার ?

বারবার সঞ্চ থেকে ছুরি করে হৃদয় আমার

জনহীন নদীটিকে শব্দ দান কর ।

তোমার মরণ নেই তুমি মর

চোর ;

ঠোঁটের কিনারে তবু জেগে আছে অনুপম ভোর

যতই নশ্বর ভাবি যত ভাবি

স্বাতী তুমি কার ?

সস্তার গভীর থেকে ঈশ্বরের কণ্ঠ শুননি

স্বাতী জেনো আনন্দ আমার ।

নিবিড় হয়ে হাঁটলে

নিবিড় হয়ে হাঁটলে পথে প্রান্তে
ললাটে জোটে হারানো কিছন্ন প্রাণিত
অথচ আমার এমন কোন বৈভব
হাজার খুঁজে আঙ্গুলে নামে ক্রাণিত

তবে কি আমি রাঙা হাটের কস্তুর
হারিয়ে আউল বাউলের স্বভাবে
নগর গ্রাম গঞ্জ করে তোলাপাড়
মুঠিতে মেলে উদাস শিলাখণ্ড ।

এভাবে কি মানে হয়

এভাবে কি মানে হয়

ত্রিতল টিলায় বসে থাকা

ঈথারে ঈথারে ভাসে ঝর্ণার গীটার

অনুপম মাটি ডাকে,—“আয়”

আর তুমি স্নোতহীন

পাথরের মতো বসে থাকো।

এভাবে কি মানে হয়

চুপচাপ বিজনে একাকী

টিলার চরণ ছুঁয়ে মানবিক শ্রোত

নেমে এসো বহুতা মিছিলে... ..।

লেনিন

এমনি করেই দিন চলে যায় দিন
রাতেৱ পশ্চে ৰাত
কাঁধেৱ পাশে ব্দুলছে দ্দুটো
মৰচে পড়া হাত

এমন দিনে চন্ডালিকা রাতে
শান্ দিতে আন্ন মৰচে পড়া হাতে ।

বিনষ্ট আয়নায়

নষ্ট পুকুর ডাকলে তাকে, আয়,
অনিচ্ছাতেও সিনানে যে যায় ।
সে মেয়েটির জেনে গেছি নাম ।
আমিনা, তুই ছাড়িস কেন গ্রাম ?

বাঁচতে গিয়ে মরণ ফাঁদে পা,
ফুল বেড়িয়াল যাস্ নে আমিনা ।
ষাবার যা তা যায় ।
ইচ্ছে করে কে দেখে মূখ,
বিনষ্ট আয়নায় ?

যত তোকে যেতে বলি

যত তোকে যেতে বলি যা
ততবার এসে যাস্ ঘরে
তোর মতো এমন বেহায়া
নজরে পড়েনি সংসারে

আমি তোর মদুখ দেখব না
ঘর ভেঙে হেসেছিঁস ছুঁড়িঁ
ছিঃ ছিঃ তোর নাই কি শরম
বেরো তুই বেরো মদুখপুঁড়ি ।

সূর্যসংক্রান্তির ভোরে

(কাব্যনাট্য)

কুশীলব : হীরেন, হৈমন্তী ও মনালী

[যেন কানিশ ঘেরা ছাত । মেঘলা আঁধার । নেপথ্যে বাণ্টপতনের মতো একঘেয়ে সুর । হীরেনের সারা মূখের আদলে ছড়িয়ে থাকে ক্রান্তির বিষংগতা ।]

হীরেন : গটুপিড বাণ্টের মতো একঘেয়ে দিন

এখন বিজন ছাত ভয়াভয় বেলা

মনালীও কাছে নেই ।

মনালী...মনালী...

কাজে এসো । তোমার শীতল হাত

আমার কপালে রাখো । কঠিন সময়

স্নায়ুর তাবৎ সুরতো ছিন্ন ভিন্ন করে দেয়

ক্রিম রং পোকা...

(ধীরপায়ে হৈমন্তীর প্রবেশ)

হৈমন্তী : মনালী এখানে নেই । ডেকে না হীরেন ।

জলপাড় শাড়ী পরে সে গিয়েছে

ত্রিতল টিলায়

শুভব্রত তাকে নাকি আমন্ত্রণ করে গেছে

একুশে এপ্রিল ।

হীরেন : বারবার শুভব্রত কেন তাকে

ডেকে নিয়ে যায় ?

শেষে রাস্তায় এতো গণ্ডাগোল

ট্রামবাসে শুড়, —তবুও কি করে আসে শুভব্রত

মনালীর কাছে ?

হৈমন্তী : প্রীতির ঈধারে চড়ে দৃঙ্গনের ষাতায়াত
আমিও বৃদ্ধি না । জ্যামিতিক মন নিলে
আমাদের এই মাপ প্রায়শই ভুল হয়ে যায় ।
তুমি কেন বিষণ্ণ হীরেন ?
চণ্ডালিকার মতো কেন বৃক্ষ
সম্পাতিত করে ছায়া তোমার শরীরে ?

হীরেন : আমি কি নিজেই জানি কেন হিমঘর
সংক্রামিত করে তার নিজস্ব শীতল
আমি শব্দ একা ছাতে ;
একঘেষে বৃষ্টি পতনের মতো দিন
সঙ্গীহীন পড়ে থাকি—

বৃষ্টি । জ্বর । প্রলাপ । বিকার...

হৈমন্তী : জানি । শব্দই দৃ'হাত ভরে নেওয়ার অসুখে
তুমি ভোগো ; হীরেন দিলে না কেন ?
বৃকের গৈরিক স্রোত কতদিন হ'ল

তুমি হারিয়ে ফেলেছো

মরাচরে মিমির মতন কেন বে'চে আছো ?

প্রিপতামহের ঋণ শোধ কর । তাকাও উদার...

হীরেন : আমি তো আকাশ নই । জীবনের ছিমছাম পরিধিতে
আমার ভূগোল । আমার সমস্ত পাখা
একে একে খসে পড়ে উষ্ম'মুখী হ'লে ।

হৈমন্তী : তাই এতো কষ্ট পাও, মৌলিক রক্তের স্রোতে

বিস্তৃত জীবন নেই বলে । স্বাথ'গম্ভী মোমের বীজানু
সঞ্চারিত করে বিষ ডানায় তোমার

অসমর্থ হে পদ্রবু

কি করে বা ষাবে তুমি অর্ষ'মানগরে ?

হীরেন : তাবৎ সরণী রুদ্ধ । অস্তিকে দেখি না কোন পথ ।
অঞ্জলি মূদ্রায় আমি নতজানু

সম্মুখে তোমার

হৈমন্তী, আমাকে তুমি পথ দাও

হৈমন্তী : হীরেন, অক্ষয় আমি, তার কাছে যাও
আবিশ্ব সেতর মতো যার হাসি, ...শুভব্রত ।
একমাত্র তার ধ্যানে মগ্ন হলে
পথ খুঁজে পাবে ।

তোমার কুণ্ঠিত ভালে মহাকাল একে দেবে
সিঁধুর তিলক ।

হীরেন : সিঁধু কি তার হাতের মূঠে শুভব্রত রেখেছেন ধরে ?
তার কাছে যাবো না.— যাবো না ।
আমি এই একা ছাতে একঘেয়ে

বৃষ্টি পতনের মতো দিনে স্নাত হবো
ত্রপা কুমারীর মতো মনালী ভাসানে যায়
কার হাত ধরে । সী বীচ, টিলায়, পাকের
ফিসফাস...

তার উরু-শরীরের রমনীয় খাঁজে
শুভব্রত ঢেলে দেবে

আবেগের কবোণ্ড তরল...

হৈমন্তী : ক্লোথে বড় অসহায় তুমি । বল্গাহীন
তাই ঠোঁট ; কার নষ্ট শব কাঁধে
ক্রমে তুমি নৃসজ্জ হয়ে পড়ো ?
দ্যাখো,—পবিত্র মশান শিবকল্প
পদরূষের মতো শূয়ে আছে ।

যাও ।

চিতার আদরে তুমি সমর্পিত করে শব
স্নাত হও আকাশ-গঙ্গায় ।

(স্মিতহাস্যে মনালীর প্রবেশ)

মনালী : ঋক্ষ চেতনায় শোনো আবিশ্ব সঙ্গীত ।
অন্তঃপঙ্কলী দক্ষিণ হাতের স্পর্শে সিন্ধ হোক ।
স্বপ্নের ঐরিণা থেকে খসে পড়া ভ্রূণ শিশু
জ্বগে ওঠে উল্লাস বরণে ।
নির্বোধ মালীর মতো

প্রলীন বৃক্ষের মূলে কেন জল দাও ?

বিবিধ ছাতের থেকে নেমে এসো

যেখানে মানুষ.....

(হীরেন আবিষ্টির মতো শোনে)

হীরেন : মানুষের বিস্তৃত অঙ্গনে যাবো

মনালী এসেছো ?

দ্যাখো, দীর্ঘতম দিবস রজনী আমি

অপেক্ষায় শিলা হয়ে গেছি ।

আমি যাবো

স্বিন্দ্যমতী শতভাষা নক্ষত্র আমার ।

মনালী : তবে এসো, অনুরতী অঙ্গীকারে

করতলে রাখো দীপ হাত ।

(হীরেন মনালীর হাতে হাত রাখে)

আমরা এগিয়ে যাবো অঞ্জলি মানুষ ।

অমোঘ সংগ্রহ দিতে শূভ্রত রয়েছেন

রক্তের গভীরে । আনন্দের শিলাচর থেকে ডাকে

নবীন অর্ধক । সূর্যসংক্রান্তর ভোরে

চলো যাই তাদের কুটিরে । দ্যাখো,—

পায়ের পাতাল থেকে হেসে ওঠে

দ্রোণফুল টিউ কিশোরীরা...

[ওরা পরস্পর হাত ধরাধার করে মগ্ন থেকে বেরিয়ে যায় । বহুকৌণিক হীরকের দীপ্তিতে হৈমন্তীর মৃৎখানি উজ্জ্বল হয় । বালকের শিশু আলো মগ্নময় হামাগুড়ি দেয় । বৃষ্টি ভোর হ'ল । বাতাসে ঝারিও-নেটের অনূপম সুর ।]



